

孝義志卷十

語云孝爲百行先有子曰孝弟爲人之本蓋以人能盡孝其餘皆有可觀故自古忠臣義士聖賢豪傑必以孝爲首重焉若夫義者爲制事之宜人能知其宜凡百事物必不至有背義之舉况孝之於義猶爲首務者也於是述孝義志第十

賈永文 直隸鹽縣籍清光緒三十三年來豐時母已歿事父以孝聞事祖母更能盡孝道焉及祖母既喪遵遺命冒鼠疫之險旅櫬合葬於故里時有伯母聞其孝乃與之偕來就養但素患痿症轉側維艱乃躬親侍奉十餘年如一日至於息訟濟急恤死救生等事又不一而足故鄉里均欽佩焉民國十二年條列事實請

西豐縣志

卷十 孝義

一

西豐國興印刷局校印

准大總統褒揚頒有匾額褒章各一

徐壽山 原籍遼陽人業農生性樂善凡遞送善書敬惜字紙皆竭力爲之年三十七歲時母病思肉麥家貧無以辦乃剖胸肉一瓣以進而束胸事母仍如常時母覺其異問之以生小瘡對迨母病起強以問媳媳俱以告母痛而爲之泣後聞於鄉里由知事吳肇和請准大總統褒以至性過人匾額一方以爲未俗薄於事親者戒焉

賀鴻智 本溪縣人現住縣境向陽村家貧業銀工以自給一日母病篤急思肉食以鄉居無處購乃割股烹以獻母病因之愈噫孝雖愚也而出自鄉曲細人實亦有足多焉

周朝會 西豐人也幼失怙家貧而天性篤厚知孝謹六歲時西豐大饑三日未舉火乃朝暮乞食以食母少長事母益婉順傭工得錢買甘脆奉母而自饜粗糲衣敝無慍色母病瘵終日居側不敢他去凡兩閱月乃痊由縣署請準文教部褒銀質表彰狀各一

劉文安 法庫縣人父發卒文安傭以養母能致其歡心時歲饑傭賤文安乃來豐工作既母亦率其三弟來豐得食必先其母弟雖窮乏怡怡如也民國十八年八月母病篤文安侍奉至廢寢食病益劇乃日夜禱天願以身代母果痊人以爲天之相孝子其誠足以感格也由縣請準文教部褒銀質表彰狀各一

臧維民 三區林城村臧鴻遠之子也年二十六歲由中學畢業後充警士差康德三年冬其母病乃請假歸省見其母病果劇翌日早起其母告之曰予惟口淡思酸飲食則無用也伊即赴縣城置壽衣兼購梨與菠菜等物及歸後告母母頗憐之以其徒行疲乏也遂令早寢夢中見一老媪鬢髮皆白向伊言曰汝母之病非藥石所能醫須人肉煎湯乃可療也驚醒後初以夢魘何足憑後又夢如前狀乃默思此神示之警也於是持小刀至厨中割脇肉以作餌詎刀小力薄未能割下又易以菜刀割之奈菜刀鈍而未能卒以薙髮刀割脇肉一鬢血涔涔滴下殷足趾雖痛極不顧也乃令妻作湯以獻母母飲畢汗出病即霍然語云孝能感神非

此之謂乎鄰右聞之即電告署長轉電警務局長及西豐縣長遂令入醫院醫治治費由公家付給創愈後本村村長招集合村紳民醵資若干元除送匾額一方文曰孝可格天外尙餘四五百元之譜以作孝子養親之用焉嗟乎割肉事親本屬甚難茲乃不出於鉅卿而出於鄉曲微賤此猶爲難中之最難者也臧氏子乃毅然行之洵足以挽頹風而振敝俗矣

楊世昌 開原威遠堡人現居本邑房木鎮父名國柱母曰劉氏因胞伯國棟胞伯母黃氏缺嗣乃嗣世昌爲之子而世昌之孝行更於此有足重焉幼讀書頗聰穎年十六即持家務服勤勞每日早起必請訓於父而後行凡父之飲食用具必精必潔又常於

父前說古今趣事以博其歡心率二十年如一日民國十六年五月父染瘧疾世昌乃親侍湯藥朝夕匪懈及病勢危篤更禱於神前願以身代父病果痊其母有二女皆嫁後而逝所遺甥男甥女悉收恤撫養而教育之凡婚嫁之事必勉力奉行求悅其母之心而後已其明大義又如此若夫樂善好施力行不倦爲乃父之天性而然而世昌猶能善體親心先意承志成種種之善行以默延椿庭之壽考故年登耄耋猶矍鑠非常此洵孝行之最大者也於民國十九年省政府頒以匾額一方褒章一座證書一紙以彰其行焉

張品清 本邑德隆村人幼守庭訓長而好學十七歲時父張

廷永逝世伊哀毀骨立慟不欲生侍奉孀母楊氏更不辭勞悴一
秉至誠遇母有疾必躬侍湯藥未嘗少離尋常必昏定晨省率二
十餘年如一日故孝行之稱遠近無異言若恤業師之困難濟朋
友之貧寒死者無所歸乃舍義地而葬焉種種善舉更難屈指以
計當前清宣統二年創立德隆村小學二級民國三年創立世道
村小學一級十二年創立富民村小學二級又於三村中創辦簡
易學校男女兼收以開通民智經營慘淡不憚勤勞至於排患難
解紛糾親仁禮賢敬老慈幼其好義更有足多者焉嗟乎晚近之
世世俗澆漓孝義之行幾於泯沒而張品清獨能孝義兼全宜其
褒以匾額一方銀質褒章一座證書一紙用以勵世俗而儆人心

焉